



## COMUNE DE MONTELEONE PROVÌNTZIA DE TÀTARI

### Deliberatzione de su Consìgiu Comunale

Nùmeru 35 de su 22/12/2020 \_\_\_\_\_

Ogetu: Rennou nòmina revisore de sos contos pro su triènniu 2021/2023

S'annu duamìgia binti, sa die bintiduos de su mese de nadale, in sa sala de sas Adunàntzias, a sas **17:00**, in setziada Ordinària, Pùblica, in Prima Cunvocatzione, fata chi siat s'osservàntzia de sas formalidades prescritas, s'est reunidu su Consìgiu Comunale.

Fatu s'apellu resurtant:

MASALA ANTONELLO	P	MURRU STEFANO	A
SOTGIA DANIELA	P	FRESI GIOVANNI STEFANO	P
GONNELLA SILVIA	P	AGNONE GUIDO	A
NORIA BASTIANA	P	SECHI DOMENICA	A
PIRAS PIETRO	P	DETTORI STEFANO	P
MANAI GIOVANNI BATTISTA	A		

Presentes n. 8 Ausentes n. 3

Partètzipat a sa setziada su SEGRETÀRIU Comunale SONNU SILVIA, cun funtziones consultivas, referentes, de assistèntzia e verbalizatzione.

Su Sìndigu ANTONELLO MASALA in sa calidade sua de Presidente, averiguadu su nùmeru legale de sos interbènnidos, de crarat aberta sa setziada e invitat sos Consigeris a

## Ogetu: Rennou nòmina revisore de sos contos pro su triènniu 2021/2023

### SU CONSÌGIU COMUNALE

**In abertura** de setziada si dat atu chi sa matessi benit acumprida a manera parziale in vèdeu-cunferèntzia essende sos seg. Piras Pietro e Dettori Stefano (Consigeris), cullegados in modalidade vèdeu-cunferèntzia in cantu impossibilidades a interbènnere pro more de s'emergèntzia, chi sa setziada benit acumprida cun sas protzeduras istabilidas cun su Decretu de su Sindigu n. 5 de su 05.11.2020;

**Bida** sa deliberatzione n. 3 de su 01.03.2018 cun sa cale su Consìgiu comunale providiat a elègere a pustis de estratzione su Revisore de sos contos de su Comune sa Dot.ra Piera Cuccuru nàschida in Tàtari su 22.03.1969 pro su perìodu dae su 01.01.2018 a su 31.12.2020;

**Cunsideradu** chi s'incàrrigu de su cale subra at a iscadire in data 31.12.2020 e est rennoàbile;

**Premìtidu** chi su Tìtulu VII de s'ordinamentu finantziàriu e contàbile de sos entes locales, aprovalu cun decretu legislativu 18 de austu de su 2000, n. 267, (art. 234-241) disciplinat sa revisione econòmicu finantziària ;

**Torrados a cramare** in particolare:

- s'art. 234, comma 1, su cale previdit chi sos consìgios comunales, provintziales e de sas tzitades metropolitanas elegint, cun votu limitadu a duos cumponentes, unu collègiu de revisores cumpostu dae tres membros, unu seberadu tra sos iscritos in su registru de sos revisores contàbiles (presidente), unu seberadu tra sos iscritos in s'albu de sos dotores cummertzialistas e unu iscritu in s'albu de sos ragionieris;
- s'art.234, comma 2, previdit chi in sos comunes cun populatzione inferiore a 15.000 abitanes, in sas uniones de comunes e in sas comunidades montanas sa revisione econòmicu-finantziària est affidada a unu revisore ebbia;
- s'art. 235, comma 1, istabilit chi s'òrganu de revisione durat in càrriga tres annos e sos cumponentes suos si podent torrare a elègere una borta ebbia.

**Torrados a cramare:**

- s'art. 16, comma 25, de su Decretu Lege 13 de austu de su 2011, n. 138, mudadu cun modificatziones dae sa lege n. 148/2011, at introduidu una disciplina noa pro su sèberu de sos revisores de sos contos, previdende, a decùrrere dae su primu rennou de s'òrganu de revisione imbeniente a s'intrada in vigore de sa lege, chi sa nòmina relativa depat avènnere pro mèdiu de estratzione dae elencu apòsitu a livellu provintziale e tra sugetos in possessu de determinados rechisidos, segundu sas modalidades chi ant a èssere definidas pro mèdiu de su Decretu de su Ministèriu de s'Internu paris cun su Ministèriu de sas Economias e finantzias de si adotare intro de 90 dies dae s'intrada in vigore de sa lege matessi;
- s'artìculu 29, comma 11 – bis, de su decretu lege 30 de nadale de su 2011, n. 216, mudadu cun modificatziones dae sa lege 24 de freàrgiu de su 2012 n. 14, su cale at prorogadu de noe meses su tèrmine segundu s'artìculu 16, comma 25, de su decretu lege n. 138/2011 (mudadu in Lege n. 148/2011);
- su D.M. Internu n. 23 in data 15 de freàrgiu de su 2012, chi cuntenit su “Regulamentu pro s'istitutzione de s'elencu de sos revisores de sos entes locales e modalidades de sèberu de s'òrganu de revisione econòmicu finantziàriu », cun su cale sunt istadas detadas sas

dispositziones atuativas de sas modalides noas de nòmina de s'òrganu de revisione prevididas dae sa norma subra torrada a cramare;

**Bidas:**

- sa L.R. n. 24 de su 17.12.2012 chi cuntenit « Normas in matèria de revisione contàbile in sos entes locales » chi, in s'art. 1, istabilit “In s'isetu de una riforma orgànica de sa matèria de sos entes locales de sa Sardigna, pro sessanta dies dae s'intrada in vigore de sa lege presente, sighint a si aplicare sas dispositziones previgentes a s'art. 16, comma 25, de su D.L. 13 de austu de su 2011 n. 138, mudadu in sa lege 14 de cabudanni de su 2011 n. 148 »;
- sa L.R. n. 3 de su 08.02.2013 chi in s'art. 3 comma 3, istabilit “In s'art. 1 de sa L.R. 17 de nadale de su 2012 n. 24 sunt cantzelladas sas paràulas « pro sessanta dies dae s'intrada in vigore de sa lege presente » e chi at duncas fatu permanentes sas dispositziones cuntènnidas in sa L.R. n. 24/2012;

**Bida** sa L.R. 04.02.2016 n. 2 chi cuntenit « Riòrdinu de su sistema de sas autonomias locales de sa Sardigna » chi, in s'art. 36, detat normas in matèria de revisione legale de sos contos de sos entes locales, disciplinende dae nou su sistema de nòmina de sos revisores de sos contos de sos entes locales de sa Sardigna;

**Rilevadu chi**, in virtude de cantu prevididu dae sa norma in antis narada:

- sos revisores de sos contos de sos entes locales sunt individuados cun su sistema de s'estratzione pùblica;
- s'Assessore Regionale de sos EE.LL., Finàntzias e Urbanìstica redatzionat un'elencu in su cale, a rechesta, podent èssere insertados cussos chi sunt iscritos a livellu regionale in su Registru de sos revisores legales segundu su D.Lgs. 39/2010;

**Bida** sa deliberatzione de sa G.R. n. 14/35 de su 23.03.2016 chi cuntenit sos critèrios pro sa redatzione de s'elencu de sos revisores de sos contos de sos entes locales, pro mèdiu de sa cale s'est istabilidu:

- s'istitutzione de s'elencu e s'articulatzione in duas fàscias a segundu chi sos Comunes epant una popolazione inferiore o superiore a 15.000 abitanti, sos rechisidos pro s'inserta in s'albu e sas modalidades de nòmina e, pro s'efetuatzione de s'estratzione pùblica, s'òrganu prepostu in su Consìgiu comunale;

**Rilevadu chi**, sa determinatzione in antis narada istabilit chi sa data de aplicatzione de sas règulas noas in matèria de nòmina de sos òrganos de revisione de sos entes locales de sa Sardigna, segundu s'art. 36 de sa Lege Regionale 2/2016, decurret dae sa data de publicatzione de sa determinatzione matessi in su BURAS;

**Leadu atu chi**, dae su 30.03.2017, pro sa nòmina de sos revisores de sos contos de sos entes locales si àplicat sa disciplina noa segundu s'art. 36 de sa L.R. 2/2016;

**Dadu atu** chi devende numenare su Revisore de sos contos de su Comune de Monteleone pro su triènniu 2021/2023 si podet protzèdere a rennou sena estratzione in cunforma a s'art. 36 in antis naradu de sa L.R 2/2016;

**Dadu atu**, in prus, chi, in cunforma a s'art. 241 de su T.Ù. D.Lgs. 267/2000, cun sa matessi delìbera de nòmina s'Ente locale istabilit su cumpensu chi tocat a su Revisore in sos tèrmines sighentes:

- cun Decretu de su Ministru de s'Internu benint fissados sos limites màssimos de su cumpensu base chi tocat a s'òrganu de revisione de si aggiornare ogni tres annos;
- s'Ente locale istabilit su cumpensu chi tocat a sos revisores cun sa matessi delìbera de nòmina;
- s'importu ànnuu de rimbursu de sas ispesas de biàgiu e pro vitu e allògiu, in ue dèvidu, a s'òrganu de revisione, non podet èssere superiore a su 50% de su cumpensu ànnuu atribuidu a

sos componentes matessis, a su netu de sos òneres fiscales e contributivos;

**Bidu** su Decretu de su Ministru de s'Internu de su 20 de maju de su 2005, publicadu in G-U. de su 04.0.2005 n. 128, chi istabilit sos limites màssimos de sos cumpensos ànnuos lordos chi tocant a s'òrganu de revisione in ubidièntzia a s'artìculu 241 tzitadu de su D. Lgs. 267/2000;

**Bidu** su decretu intremministriale 21 de nadale de su 2018 chi cuntenit « Aggiornamentu de sos limites màssimos de su cumpensu chi tocat a sos revisores de sos contos de sos entes locales », in sa mesura indicada in sa tabella A;

**Atesu** chi su Comune de Monteleone a su 31/12/2018 contaiat a manera ufitziale 99 **abitantes** e chi pro cussu, rientrende in sa fàscia « A » de sa tabella in antis narada est possibile atribuire a su Revisore unu cumpensu ànnuu paris a **€2.480,00** (prus IVA e càscia);

**Pretzisadu** chi su limite màssimu de su cumpensu subra tzitadu podet èssere crèschidu:

- a) finas a unu màssimu de su 10% si in casu mai s'ispesa mèdia pro càpite de ispesa currente, calculada subra de sa base de s'ùrtimu bilàntziu preventivu aprovalu, siat superiore a sa mèdia nazionale pro sa fàscia demogràfica relativa segundu sa Tab. B;
- b) finas a unu màssimu de su 10% si in casu mai s'ispesa mèdia pro càpite de ispesa investimenti, calculada subra de sa base de s'ùrtimu bilàntziu preventivu aprovalu, siat superiore a sa mèdia nazionale pro sa fàscia demogràfica relativa segundu sa Tab. C;

**Evidentizadu chi:**

- a sos revisores sunt aplicàbiles sas normas subra de s'incumpatibildade e subra de s'inelegibildade prevìdidas dae s'artìculu 236 de su D.Lgs 267/2000;
- in base a s'art. 238 de su D.Lgs 267/2000, s'afidamentu de s'incàrrigu de revisione est subordinadu a sa declaratzione, dada in sas formas segundu su DPR 445/2000, cun sa cale su sugetu atestat su rispetu de sos limites segundu su comma 1 de s'art. 238, in cantu su revisore, segundu cantu dispostu dae s'artìculu in antis naradu, non podet assùmere a manera cumplessiva prus de oto incàrrigos, tra sos cales:
  - non prus de bator comunes cun popolazione inferiore a sos 5.000 abitantes;
  - non prus de tres comunes cun popolazione cumpresa tra sos 5.000 e sos 9.999;
  - non prus de unu cun popolazione paris o superiore a 1.000.000 abitantes;

**Bidos:**

- su Decretu Legislativo 18 de austu de su 2000 n. 267 e in particolare sos artìculos 234 e s'ghentes, e modìficas e integraziones imbenientes;
- s'Istatutu comunale;
- su Regulamentu de contabilidade in vigèntzia;

**Apretziadu** pro cussu de dèvere protzèdere, a su rennou de su Revisore de sos Contos in sa persone de sa Dot.ra Piera Cuccuru;

**Bidu** s'art. 42 de su D.Lgs n. 267/2000 pagu prus o mancu de sa cumpetèntzia de su consìgiu in mèritu;

**Achisidu** su parre favorèvole de regularidade tècnica e su parre favorèvole de regularidade contàbile subra de sa proposta de deliberatzione, esprìmidos dae su Responsàbile de sos Servìtzios Finanziàrios in cunforma a s'art. 49 D.Lgs n. 267/2000;

**Protzèdidu** a votazione otenende su resurtadu s'ghente:

Contràrios N. 1 (Fresi);

Favorèvoles N. 7

## DELÌBERAT

De dare atu chi sa premissa faghet parte integrante e sustanziale de s'atu presente

De designare, (rennou prima art. 36 c. 10 de sa L.R. 2/2016) cale Revisore de sos Contos de su Comune de Monteleone pro su triènnu 2021/2023 (fegura previdida dae s'art. 234 de su D.Lgs 18 de austu de su 2000), n. 267, su professionista sighente:

SAMBENADU E NÙMENE	LOGU E DATA DE NÀSCHIDA ATIVIDADE ESERTZITADA	RUOLU O ALBU DE ISCRIZIONE
Cuccuru Piera	Tàtari 22.03.1969 Dotore Cummertzialista	Iscr. Registru revisores n. 170 (Reg. Regionale) e 152034 (Reg. Natzionale)

De determinare e duncas currispòndere a su revisore su cumpensu ànnuu lordu sighente prevididu dae su cumbinadu dispostu de sas normas segundu s'art. 241 de su D.Lgs 18 de austu de su 2000, n. 267 e de su decretu intreministeriale 21 de nadale de su 2018 cantificadu in €2.480,00 prus Iva e Càscia, e creschiduras prima Tab. B e C Decretu Intreministeriale 21/12/2018 in sa misura de su 2,5% ognuna si tocant (dae sas resultàntzias de verìfica annuale subra de sos datos de Bilàntziu), ispesa chi at a fàghere càrrigu a su bilàntziu pluriennale 2020/2023);

De determinare sos rimbursos pro sas ispesas de biàgiu sustènnidas a manera efetiva e documentadas a manera adeguada dae su revisore de sos contos, pro sa presèntzia netzessària o rechesta a s'Ente, in su lìmite màssimu paris a su 50% de su cumpensu ànnuu e in sa misura de unu cuintu de su preju de sa benzina birde;

De dare atu chi, comente prevididu dae s'art. 234 de su D.Lgs 267/2000, sa nòmina de su revisore de sos contos e su nominativu relativu sunt comunicados a su tesoreri intro de 20 dies dae s'executividade de sa delibera de nòmina avènnida.

IN ÒRDINE A SA REGULARIDADE TÈCNICA si esprimìt parre Favorèvole

Su Responsàbile De Servìtziu  
F.du Antonello Masala

---

SU PRESIDENTE  
F.du Antonello Masala

SU SEGRETÀRIU COMUNALE  
F.du Silvia Sonnu

Tzertìfìco chi còpia cunforme de su verbale presente benit publicada dae su ----- pro 15 die s a  
fila in su situ istituzionale de custu Comune cun progressivu de publicatzione n. 0, atzessibile a  
su pùblicu (Art. 124 de su T.U.E.EL. e art. 32, comma 1, de sa lege 18 de làmpadas de su 2009,  
n. 69).

SU  
F.du

---

Sa deliberatzione presente est divènnida esecutiva:

X Pro declaratzione de esecutabilidade immediata (Art. 134, comma 4, de su T.U.E.L.).

Pro decursu de sas deghe dies dae sa publicatzione (Art. 134, comma 3, de su T.U.E.L.).

Monteleone,

Su Responsàbile de sa Publicatzione  
F.du

Traduzione de s'operadora de s'isportellu linguìsticu de Monteleone  
Maria Leonarda Correddu